

校正韓汝慶先生朝邑縣志
秦
陝西南山谷口考
辛氏三秦記
錄



陝西南山谷口考

毛鳳枝 撰

中華書局

序

秦據天下上游之勢，控河山百二之雄。一旦盜至，叩關入，絕無留者，而往來自如也。尙爲秦有人乎？夫關中被山帶河，險阻之四塞未改也，固猶然天府之國也。伊古在昔，王者得之以王，霸者資之以霸矣。中才處之，宜猶足以自保。哥舒翰輩不足論，何以同治之元，賊薄武關，旣莫之爲禦，以成秦禍。越五年而寇我潼關，猶莫之懲而坐失連城之險耶？韓退之守戒曰：「在得人，豈不信哉？」人之一身，賡理爲急，護其要害數處而止耳。秦爲天下之脊，南山則秦之脊也，而山之諸谷則其竅竅也。顧其說往往散見於篇，未有匯而著之者。倉卒有事，將回惑而不得其要，誠讀是書而講其利害，聚餉選兵以扼之，外侮絕焉。舉良有司而填撫其民，內亂奚生焉？毛子作爲是書，其猶足雪秦無人之謾乎？易曰：「王公設險以守其國，苟得其人，雖無險隘乎？」猶將陂塘濠以限戎馬，列保塞以固藩籬，矧擁河山之勝哉？雖然，彼泄泄者昧安不忘危之義，方且迂是書以覆額，而莫之省也。毛子曰：「士君子得位則行其道，窮則立言以儲用，有羣屏藩以衛國家者乎？」是書也，吾將存之以俟其人。同治七年歲在著雍執徐秋壯月，旣望，山陰萬方煦序於長安旅舍之豫齋。

陝西南山谷口考

清 甘泉毛鳳枝撰

關中之險，東有潼關，西有隴阪，東南有武關，北有大河，所謂四塞之國也。而其足爲關中之患者，則恒在南山。誠以南山，崛起昆侖，尾銜嵩嶽，橫亘潼關，華陰，華州，商州，雋南，渭南，藍田，咸陽，長安，鄠縣，整屋，郿縣，寶雞之境，幾及千里。深山穹谷，不可殫究。其正南通興安，出郿襄，其東南抵商州，連楚豫，其西南毗漢中，道隨蜀，昔年賊蹤出沒，無不假道于此。故關中之患，恒在南山，而南山之患，又在諸谷也。議者謂三秦地利，自古稱雄，多事之秋，足以自守。不知古人尙車戰，故山谿足以隘戎馬。今則步騎風馳，詭道萬端，攻其無備，出其不意，有出于鄧艾陰平之上者。而南山諸谷，徑路紛歧，多置兵則備多力分，少置兵則顧此失彼。故今日之關中，不若大梁之易守也。大梁雖四戰之地，然我無險，賊亦無險，關中則不然。我之險要，善守之足以制寇，不善守之，使賊乘間而入，則南山之險反爲賊用。彼利則進攻，不利則退守，是猶納蜂螫于袖中，閉虎狼于一室，其不嚙且齧者鮮矣。吾故曰：守大梁易，守關中難。雖然，地無常勢，兵無常形，善用兵者，因地形以知利，因地利以設謀，雖丈五之溝，漸車之水，尙能禦寇，况乎百二之雄哉。故攷南山谷口北向者，起潼關，抵寶雞，凡得一百五十所。笥于篇，谷山口也。說文云：泉山通川爲谷。今音讀若穀。古音讀其字則俗書如山作峪，今兩從之。所謂名從主人也。自潼關以西，渭水之南山之大者，皆曰南山。南山之高者，悉名秦嶺。潼關之南，又有小秦嶺，接商州境，其谷則一曰太谷，俗名太峪口，亦曰泰峪嶺。

在潼關城南四十里。有太峪關。舊志云。屬河南閩鄉。三省邊防道路攷。由雒南縣北三十里。曰石家坡。又三十里石牆。又二十五里巡檢口。又三十五里黑掌坡。又十五里太峪嶺。通志云。潼關城西南至雒南縣治一百四十五里。至潼關界。出路陡險。由谷口沿山東行。可達閩鄉。亦間道也。

又西爲麻谷。

在潼關城南四十里。有麻峪關。

又西爲禁谷。

一名禁灣。禁谷之北曰蒿岔。路。蒿亦一名禁院。

禁谷在潼關城南三十里。有禁峪關。通志云。潼之左有谷。平日禁人往來。以權征稅。谷之南爲雒南界。唐廣明初。黃巢陷虢州。張承範屯潼關。門左有禁谷。官軍忘守。卽此。今案谷之北有龍王廟。又北曰蒿岔谷。有蒿岔谷水。北入河。沿谷水北行。至潼關南原。復折而西。可越過潼關。達華陰境。案通志。與關南八里有瑞村原。距潼關十里。瑞村原之北。又有金盆原。此二原當與潼關之南原相接。後魏。○案明史。崇禎八年九月。洪承疇破流寇于渭南。臨潼關。李自成東走。高迎祥亦襲敗東。臨華陰。南原。經韓自。成。出朱陽關。與張獻忠合。是南原自昔爲間道矣。○又崇禎十一年。李自成東逼。洪水。韓令。曹變蛟設伏于潼關之南原。大破之。賊既以南原爲間道。果能設伏於此。豈非伐謀之道乎。昔人嘗設十二連城于此。置兵戍守。以防秦嶺諸谷。今連城旣廢。禁谷幾成坦途矣。○通志云。潼關古關隘。舊有十六。一曰古城關。在城東南四里。自此至西谷。皆有烽臺。一曰寺角營關。在城東南十五里。一曰車峪關。在城東南三十里。一曰西峪關。在城東南四十里。一曰石門關。在城南二里。一曰禁峪關。北魏字。文泰擊。關卽此。在城南十里。一曰巡底關。在城南十里。一曰溝西關。在城南十五里。一曰漢井關。在城南二

十里。一曰五莊關。在城南二十五里。一曰麻峪關。在城南三十里。一曰水門關。疑卽下之水谷在城南三十里。一曰太峪關。在城南三十里。太谷見前。一曰潼峪關。在城南三十里。潼峪舊有防兵。一曰上關。在城南三十里。一曰南渡關。在城西十里。一曰永樂關。在城東北四十里。有永樂鎮。渡以上十六關。基址俱存。而防守城堡臺久廢。余案南渡永樂二關爲西北之要。其途皆南山間道也。○城東有姚疇屯。南有暗門。姚疇屯俱廢。

潼關連城說

傷端本經文載陝西通志

昔人謂泥丸東封函谷關。今日之潼關。鎖鑰西秦。謂卽古之函谷者非也。然入關有三道。潼入關之正道也。商之武關。入關之孔道也。昔漢祖破秦。由此入咸陽。朝邑古臨晉地。自夏陽至關。平曠百里。大河易渡。漢祖往來關中。常山臨晉。而七國之變。亦欲兵由此入。是又入關之隙道也。五泉先生云。一方不戒。三險俱失。誠哉是言也。然武關萬山險阻。一將偏師。可以無虞。朝邑雖曰平曠百里。命將建營于中路。設巨礮數十。南北巡守。則大河卽天塹也。至潼關之守。則禁院最爲要地。昔黃巢從禁院破關。明道關李自成亦由禁院陷關。豈非一方不戒。而失三險之明驗乎。蓋疎忽地理之要。而十二連城之廢也。古設十二連城于禁溝之西。由南郊以抵山麓。計三十里。而十二城是三里一城也。每城設兵百人。而于中城益其兵。多設火器矢弧。連絡呼應。疾若風雨。卽有百萬之衆。豈能超越而飛渡耶。故守關而不守禁溝者。猶勿守也。守禁溝而不建十二連城者。守猶未善也。是猶一室之內。杜門塞竇。以阻烏雀之入。而忘閉其扉也。是以關予敵。非所以固圉也。守關者。察地理之形勢。謀封疆之萬全。周歷山川。覽

古昔鑿觀成敗。其于建連城以控禁溝。控禁溝以固關。亦許謀而重慮之乎。

附載通志云。潼關南門外不數步。卽閭鄉華陰界。今案輿圖。山潼關東南三十里之董社原。隋楊元感與宇文述

限于此西行過蒿岔峪河。又渡潼河西行。可越過潼關至華陰。又由潼關東南之金陡關西行。至閭王溝。

一名源傍南原西行。渡蒿岔河。又渡潼河楊家河。亦可越過潼關至華陰。疑皆問道也。此北圖言之。或

云。潼關北城門外黃河水涸時。由河灘行走。亦有問道至華陰。

又西爲水谷。

在潼關城南三十里。有水門關。自水谷以西。南山之高者皆名秦嶺。通志云。秦嶺在潼關城南三十里。嶺南卽雒南界。相近有龍文山。

又西爲潼谷。水經注謂之通谷。

在潼關城南三十里。潼水出谷中。北入河。有潼谷關。峪口有老君洞。

又西爲蒲谷。

在潼關城南三十五里。爲潼關華陰連界處。

右潼關谷口凡九關。城南距秦嶺三十里。

又西爲松果山。

在華陰縣東南二十七里。通志云。山通襄郿之間。

又西爲水谷。

在華陰縣東南有泥泉水北入渭谷南爲秦嶺

又西爲鑿谷

在華陰縣東南

又西爲朝陽山一名留餽嶺

在華陰縣東南山南爲秦嶺通志云秦嶺在華陰縣南屬華嶺分壤之界華陰南至渭南縣界八十里西接華州東抵潼關懸崖疊嶂高不可攀通行者皆曲徑實終南一脈

又西爲蒲谷

在華陰縣東南有蒲谷水北入渭

又西爲寶谷一名杜谷

在華陰縣東南有寶谷水北入渭

又西爲黃神谷

在華陰縣東南有黃龍潭水北入渭

又西爲泰華山

在華陰縣城南十里

又西爲仙谷

在華陰縣西南，有車箱谷水，北入渭。車箱谷在仙谷之南。

又西爲好漢山。

在華陰縣西南十五里。

又西爲甕谷。

在華陰縣西南十五里，有黃酸水，北入渭。土人云：甕谷有路通藍田。通志云：甕谷環抱如甕，爲商雒徑道。道險，舊有防兵。谷之南有升山，爲黃酸水發源處。縣志云：甕谷爲商雒徑道，道甚險惡。明知縣王時雍修治之，入谷五十里，曰甕嶺。東轉爲華陽川，卽古華陽薺也。通志：驛傳攷，由雒南縣北二十五里，曰齊家鋪，又三十里楊氏城鋪，又二十里板廟河鋪，又二十里度黃龍山，至華陰縣甕谷鋪。白。

又黃龍山之東有香山及太子坪，距甕南百里，亦與華陰連界。

又西爲大敷谷，一名羅敷谷。

在華陰縣西南三十里，有敷谷水，受秦嶺諸小水，經流最大，北入渭。通志云：入谷十三里有相公嶺。

又西爲蔥谷。

在華陰縣西南三十五里，有蔥谷水，北入渭。

又西爲大谷。

在華陰縣西南。

又西爲方山谷。

在華陰縣西南，爲華陰華州連界處。有方山河，北入渭，谷南爲蟠龍山，又南爲乾喜鋪。通維南界。

通志云。

龍山可通白崖谷，白崖之東，卽構谷也。詳見下文。○又方輿紀要云：華山之東有牛心谷，南通商維，爲險阻處，今未詳所在。附記于此。

右華陰縣南山谷口，凡十三，縣南距秦嶺五十里，又三省邊防道路，致由維南縣之常水鎮迤西北二十里，曰孤山，又三十里曰麻坪，又七十五里曰苦坨，與華陰連界，山路崎嶇。

又西南三甲山。

在華州東南。

又西爲鳳居山。

在華州東南三十里，柳子鎮南，山接秦嶺南來之驤，突立一峯，左右兩山如舒翼然。

又西爲構谷。

在華州東南，有構谷水，北入渭，谷之西南爲嶺底鋪，東南爲乾喜鋪，與華陰維南連界。通志云：自谷而南，四十里爲構嶺，又三十里爲秦嶺，逾嶺而南，有路通商維。

又西爲白崖谷。

在華州東南谷之北，有移山潭，又北爲蓮花池，二水自池中北流爲渠，會構谷水入渭，谷之西北爲羅紋鋪，白羅紋鋪入谷，南行三十五里，曰嶺底鋪，又東南三十里至乾喜鋪，又四十里至華陰璽岔鋪，合

盤谷路通谷南。

又西爲獼虎谷。

在華州東南。

又西爲甯山。

在華州東南二十里。山之東有阜頤山。西北至州城十五里。

又西爲小敷谷。一名白石谷。

在華州東南。有羅紋水北入渭。通志云。入谷二十三里。曰玉女廟。又東有金壺峽。又十里曰蒼坪。又十里曰仙人洞。

又西爲大平谷。一名太白谷。

在華州東南。有太平谷水。北入渭。

又西爲獨秀峯。又西爲少華山。又西爲五龍山。

均在華州城南十里。

少華山之西爲白石谷。又西爲潭谷。又西爲水谷。

均在華州西南。有潭谷水北入渭。

又西爲石隄谷。

在華州西南十二里。有石隄谷水，北流爲石橋鋪河。又北入渭。後漢殺君神祠碑云：集古錄云：石隄樹

谷南通商，案傳文則石隄谷之名漢時已著矣。通志云：入谷南行曰五里泉。又五里曰東岐溝。又十里曰灰池。又六里

曰千崖二岔。又二里曰東西石門。又十五里至秦嶺，度嶺十五里曰黑龍潭峽。又五里爲青岡坪。通志

渭坪在華州南七十五里，秦嶺之南，坪東南爲城，城爲雒南界。順治初，山擊

擊互于此，歲成總領十二年立木城，限道關營把總汛防於此，今有防兵。由青岡坪東南行十五里

爲金堆城。又南二十里爲五勝溝，接雒南境。華州續志云：州南至秦嶺，雒南界八十里。又南一百一十

里至雒南縣城，而青岡坪直秦嶺之南，居然一扼亢也。其西南百里可達饒關，其東南可通武關。荆楚

往來行客，絡繹不絕，爲華州通商樞要道，不可忽也。○又石隄谷之西南小柿原，又南爲短嶺，自小柿

原迤西曰柳村原，其北曰瓜坡鎮，古瓜田也。瓜坡鎮在華州西南二十里，其西爲大明鎮，其南爲高唐鎮，皆要道。自瓜坡而西南曰平原。

又南曰金堆谷，可達秦嶺南之金堆城。案石隄谷爲華州南面之隘，而瓜坡、大明、高唐三鎮皆在其南。

又西爲栲栳山。

在華州西南。

又西爲赤隄谷。

在華州西南，有赤隄谷水東北流，貫石隄谷水至華州城西爲西溪，復折而西，會石隄谷水北流入渭。入谷南行，有葫蘆潭谷。又南二十五里，卽秦嶺，嶺南曰桃坪，接雒南境。由桃坪東南行九十里，卽至雒

南縣城。

又西爲階谷。

在華州西南，有階谷水北流入渭。通志云：雒南縣西北百里有百花嶺，嶺之西爲和尚溝，又西爲階谷，和尚溝之下爲金堆城，金堆城之西爲東西桃坪，案桃坪卽赤隄谷，入口南之路，與秦嶺南之青岡坪、金堆城皆要地也。

又西爲喬谷，山海經謂之英山，一名王喬谷，一名太公谷，一名招谷。

在華州西南三十里，瓜坡鎮之西，有喬谷水北入渭。案輿圖：喬谷之西北爲豐原，東南爲瓜坡鎮，南爲大明鎮。由鎮東北行至華州城二十五里。又東南爲高唐鎮。由鎮東北行至華州城三十里。有高唐嶺，嶺之南有李峪，自李峪南行，有

路通商雒。

自喬谷以西，山勢折而南行，曰聖山，山之南曰澗谷，聖山在華州西南三十里。

自聖山南行十里，曰澗谷，谷之東爲高唐鎮，北曰大明鎮，南曰孤相原，東赤水發源于此，北入渭。通志云：澗谷之北曰江村原，有江村鎮。東北至華州城三十五里。江村原之西有牛耳峪。

澗谷之西曰龍耳山。

在華州西南四十里。

又西南三箭谷，一名箭谷嶺，山海經謂之竹山。

在華州西南五十里。渭南縣東南四十里。通志云：由商州西北行二百里，即達箭谷，爲華州渭南連界處。通志云：華州西至箭谷口，石家村渭南縣界六十里。西赤水發源于此，北入渭，峪下爲華州原，峪西爲渭南界。通志云：箭谷之東南曰青岡坪，南通商雒一帶，其東南與武關通，自青岡坪至東西川之南，曰大嶺。即大秦嶺，在渭南縣南七十里。其東南曰小秦嶺，嶺南屬商州界。案潼關以西，渭南以東，在南爲太華，少華諸山，又南則爲大小秦嶺，由商雒北出華州渭南諸處，必度大小秦嶺，始達平原。二嶺之間爲東西川。通志云：大嶺川在渭南縣南百五十里，自青岡坪至東西川之大嶺川。青岡坪金堆城皆在其內，爲度嶺必由之道。度嶺出山，箭谷又爲必由之道，防禦未可稍疏也。

右華州南山谷口凡十八，州城南距秦嶺八十里。附載通志云：商州北八十里有輞谷嶺，嶺下有輞谷道出華州。

右自潼關至華州，南山谷口凡四十，均隸同州府境。

又西南曰蒟蘆谷，又西南曰黑掌谷。

在渭南縣東南，有小水二，東北流，會箭谷水入渭。

又西曰鳳凰山。

在渭南縣東四十里。

又西南曰蠶蠶山。

在渭南縣東南六十里，一名七星山，山北有寺谷。

又西南爲曹谷。

在渭南縣東南，曹谷之南爲小秦嶺，通商州。

又西曰大谷。

在渭南縣南谷之東南，接商州界。

又西南曰元象山。

在渭南縣南七十里，潛水出焉，北入渭。

元象山之西北曰黃狗谷。

黃狗谷之西北有石鼓山，一名石棧山，東北至縣城五十里，其西南又有馬鞍嶺。

在渭南縣南六十里，通志云，入黃狗谷折而東南，有二山，曰南月圓，北月圓，清水河即潯水經其中，南月

圓山四面懸崖，僅通一徑，上有仰天池，池旁有田千餘畝。

其西南曰小谷，相近有阮谷。

小谷在渭南縣南，阮谷在渭南縣南七十里，通志云，阮谷之東南有莊二，曰南古，北古，其間有白楊溝。

岔，鐵洞岔，松柏岔，皆小道也，南古莊之南曰七嶺，嶺之南曰大秦嶺，其間曰南北川，東西川，東西川之

北曰青岡坪，坪西北曰箭谷嶺，即箭谷也，是阮谷亦通商雒要道，不可忽矣，案華州之石隄谷，箭谷，渭南之

阮谷，皆通商雒，而以青岡坪爲輻湊之區，是青岡坪尤爲要地也。

右渭南縣南山谷口凡八。縣城南距秦嶺七十里。附載通志云。雒南縣西北至楊家河渭南縣界一百一十里。又案輿圖。雒南縣西北八十五里有冢嶺山。其地有張家坪當與華渭交界之箭谷相通。

日小谷以西。南山分爲二支。南山之間爲平川。其間有塢子鎮。一作塢子

塢子鎮在渭南縣西南七十里。藍田縣東五十里。臨潼關縣東南六十里。當南山諸谷之口。爲三縣邊界處。南行入陝谷。路通商州。實兵家之衝地也。

附攷。宋敏求長安志云。塢子鎮在渭南縣西南。與藍田縣接界。以南山多虎。故斥塢于此。余案漢書地理志。京兆藍田有虎候山祠。今塢子鎮西南有虎珂山。卽虎候山矣。又說文邑部。嘑京兆藍田鄉也。从邑从口。讀若口。與叩字別其音略與塢同。今之塢子鎮。疑卽說文之嘑鄉。

南山之麓。自塢子鎮西北行者。曰分水嶺。在渭南縣西南五十里。藍田縣東。又西北曰塢子嶺。又西北曰牛思嶺。嶺東北有藍谷。又西北曰金山。在藍田縣東。又西北曰橫嶺。在藍田縣北三十五里。橫接渭南縣界。此爲南山之別幹。在藍田縣北三十里。又西北曰橫嶺。在藍田縣北三十五里。橫接渭南縣界。

案南山至塢子鎮分爲二支。其間道路紛歧。四通八達。塢子鎮之西南曰屏風鎮。又西爲藍田縣城。又西北爲咽郛鎮。咽郛一作洧湖。南至藍田縣二十里。又西北爲新街鎮。東南至藍田縣四十里。入咸甯境。岡巒重複。利用伏兵。此固兵家出奇之地矣。

其東南行入藍田境者。曰玉山。

在藍田縣東南三十里。一名覆車山。通志云：驪山乃玉山之北阜。漢書地理志所謂藍田山出美玉是也。案渭南之西北，臨潼之東，無大山，別出者，惟驪山一支耳。南入藍田境，則萬峯峻峙，高接雲天。卑者爲嶢，蒼諸山，高者爲秦嶺，正幹。古所謂繞嶢，青泥，諸險多在于此。故論驛傳，以臨潼爲銜途，論行軍則以藍田爲要隘云。

自玉山以西，山勢復分爲二支。其西北行者曰虎珂山。漢書地理志：驪山之虎，驪山。

在藍田縣南十里，相近有悟真谷。

又西曰七盤山。

在藍田縣南十里。一名七盤坡。赴商州者必取道於此。通典所謂七盤十二繞，藍田之險路也。漢書王莽謂王叔曰：繞嶢之固，南當荊楚，其卽斯歟。師古曰：繞，音者，言四面繞，其道屈曲，難谷之水回繞而作嶢也。其處卽今商州界七盤十二繞是也。余案繞嶢字，亦作嶢。

自玉山折而東南，曰輕谷。一名傾谷。次南曰銅谷。一名同谷。均在藍田縣東南五十里。谷中水均西流入灃。

又西南曰倒溝谷。一名倒回谷。四至記：五里。

右藍田縣東南五十里，有倒溝谷水，一名石門水，西北流入灃。藍田縣志道路攷，由縣城東行十五里，曰普化鎮，又十五里屏風鎮，又五里玉山，又二十里倒溝谷，又十里黃沙嶺，又三十五里萬軍迴，又二